

Mos sovenirs.

Vièlh e cruishit, l'autre siècle n'aviá
Qu'un parelh d'ans a passar sus la tèrra,
Quand, al recoèn d'una vièlha carrèra,
Dins un ostal ont mai d un rat viviá,
5 Lo dijaus gras, darrèr la pòrta,
A l'ora ont fan sautar lo pescajon,
D'un pair boçut, d'una mair tòrta,
Nasquèt un dròlle, aquel dròlle... aquò's jo.
S'un prince nais, lo canon lo saluda ;
10 Aquel salut anonça lo bonur ;
Mès jo, pauret, filh d'un paure talhur,
Nat petador n'anoncèt ma venguda ;
Lo champiu sol d'un grand chalivari
Que mos vesins fasián a mon vesin
15 Ensordisquèt mas aurelhas vierjetas
D'un bruch afrós de còrnas, de cacetas,
E que venián far rebombir que mai
Trenta coblets compausats per mon pair...

JANSEMIN

Mos sovenirs (1830)